



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU **HRVATSKE NARODNE ZAJEDNICE**

Broj: 09-07-6-634/06
Sarajevo, 24. maj 2007. godine

SADRŽAJ:

MIŠLJENJE REVIZORA	2
1. UVOD	3
2. PREDSTAVLJANJE POLITIČKE STRANKE	3
3. OPIS PREGLEDA I KANCELARIJSKE REVIZIJE	4
Predmet kancelarijske revizije	4
Cilj kancelarijske revizije.....	4
Obim kancelarijske revizije	4
4. PRETHODNE REVIZIJE.....	4
5. NALAZI KANCELARIJSKE REVIZIJE I PREPORUKE	4
5.1. NALAZI	4
5.2. PREPORUKE.....	4

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja Hrvatske narodne zajednice za 2005. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Stranka nije ispoštovala odredbe člana 8. stav 1. Zakona o finansiranju političkih partija.

Na osnovu našeg pregleda, odnosno revizije finansijskog izvještaja, osim gornje napomene pod 1., nismo zapazili ništa značajno što bi ukazalo na nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Hrvatske narodne zajednice za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka je iskazala ukupni prihod u iznosu od 118.481,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	500,00	0,42%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	114.525,00	96,66%
8	Ostali prihodi	3.456,00	2,92%
	Ukupni prihodi:	118.481,00	100,00%

U godišnjem finansijskom izvještaju politička stranka je iskazala ukupne rashode u iznosu od 63.985,00 KM.

2. PREDSTAVLJANJE POLITIČKE STRANKE

Naziv političke stranke: Hrvatska narodna zajednica. Skraćeni naziv stranke je HNZ.

HNZ je registrovana 05.09.1998. godine na Kantonalnom sudu u Sarajevu pod brojem R I-6/98.

Sjedište stranke je u Sarajevu, ulica Titova 9a.

Za zastupanje stranke ovlašten je predsjednik stranke Prof. Milenko Brkić.

Lice ovlašteno za podnošenje finansijskih izvještaja za 2005. godinu je Ivana Habeušus.

Organizacionu strukturu HNZ-a čine:

- Glavni odbor
- 3 Kantonalna odbora
- 2 Gradska odbora
- 4 Općinska odbora

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj HNZ za 2005. godinu i dodatna finansijska dokumentacija (izvodi iz poslovnih knjiga) za Glavni odbor HNZ.

Cilj kancelarijske revizije je da revizor na bazi finansijskog izvještaja pokuša da ustanovi da li je HNZ u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Nije vršena revizija finansijskih izvještaja.

5. NALAZI KANCELARIJSKE REVIZIJE I PREPORUKE

5.1. NALAZ

Na osnovu obavljene kancelarijske revizije godišnjeg finansijskog izvještaja i dodatne finansijske dokumentacije za Glavni odbor stranke utvrđeno je da je HNZ u 2005. godini postupao suprotno odredbama člana 8. stav 1. Zakona o finansiranju političkih stranaka.

Na osnovu revizije dodatne dokumentacije utvrđeno je da je Glavni odbor stranke HNZ zaključio ugovor o zakupu poslovnog prostora sa Službom za zajedničke poslove organa i tijela Federacije BiH. Odredbama člana 4. Ugovora utvrđena je zakupnina u iznosu od 10,00 KM/m² ili mjesečno za cjelokupan poslovni prostor u iznosu od 354,50 KM. Međutim, na osnovu obavljene kontrole troškova utvrđeno je da troškovi zakupnine po prethodno navedenom ugovoru nisu evidentirani u godišnjim finansijskim izvještajima HNZ za 2005. godinu.

5.2. P R E P O R U K E:

Na osnovu uočenih nedostataka Hrvatskoj narodnoj zajednici se preporučuje:

- **Stranka treba postupiti u skladu sa odredbama člana 8. stav 1. Zakona o finansiranju političkih stranaka.**

Hasida Gušić, šef Službe

Semin Ramović, pomoćnik revizora

¹ Prema odredbama člana 8. stav 1. Zakona o finansiranju političkih stranaka („Službeni glasnik BiH“ broj 22/00) državni, entitetski i kantonalni organi, organi općinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu finansirati političke stranke.